

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacræ Regiæ Majestatis
Borussicæ Magni Cancellarii, A Consiliis Sanctioribus
Status Et Rei Bellicæ, Ordinis Nigræ Aquilæ Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiæ, 1766

LIB. XXVII. TIT. III. De Tutelæ Et Ration. Distrach. Et Utili Curationis Causa
Actione.

urn:nbn:de:gbv:45:1-9050

RESP. Agitur de educatione committenda, in qua mater præfertur non de commissa jam a patre.

LIB. XXVII. TIT. III.

DE TUTELÆ ET RATION. DISTRH. ET UTILI CURATIONIS CAUSA ACTIONE.

QV. I. *An hoc singulare sit, quod hæres non teneatur ex levi culpa tutoris?*

NEGATUR: Sed hoc est Juris Communis, cujus ratio exponitur in *L. 6. §. p. de His, qui not. inf. ibi: non tamen in tutela vel pro socio hæres suo nomine damnari potest, quia hæres neque in tutelam, neque in societatem succedit.* Apparet ex hac *Lege*, hæredem, ratione officii tutelæ, quod nunquam suscepit, & quod ei delatum non est, non teneri, sed tantum ex suo dolo. Sane nulla ipsius est utilitas, quo casu præter dolum nihil præstatur. *L. 5. §. 2. Commod.*

OBJ. Quod omnino aliquid singulare hic videatur, quia regulariter actio, quæ in defunctum competit, in hærede mutari non potest. *L. 2. §. 2. de V. O.* quod tamen hic fit; nam contra defunctum etiam ex levi culpa agebatur, contra hæredem tantum ex dolo.

RESP. (1) Regula *d. L. 2.* patitur exceptionem: nisi actio quædam cohæreat soli personæ defuncti, & intuitu ejus officii competat; tunc enim illa actio saltem contra personam defuncti datur, qui solus tutor fuit, & ob dolum tantum contra hæredem; dolum enim nunquam debet esse impunitus.

RESP. (2) Vera est illa regula de *substantia obligationis*, quæ est res, quæ debetur, & genus causæ; ex quo debetur, hæc substantia mutari in hærede nequit, *d. L. 2.* at *præstationes* in hærede mutari possunt; non enim semper in solidum tenetur. *Carpz. p. 2. c. 11. def. 35.*

Cujacius contra communem sententiam statuit, hæredem etiam ex levi culpa tutoris teneri, indeque in *L. 1. C. de hæer. tut.* negativam expungit: idque ex duplici ratione: (1) quia hæres ex contractu defuncti tenetur; ergo & levi culpa; (2) quia receptum est, hæredem tutoris negligentæ propriæ non teneri, *L. 4. §. 1. ff. de fidej.*



fidej. tut. L. 4. ff. de Mag. conv. quo satis indicatur, propter negligentiam defuncti heredem obligari. Vid. *Goth. ad d. L. 1.* Sed prior ratio fallit, quoties actio ex contractu ratione officii datur, uti in tutela, per text. expr. in *d. L. 6. posterius* argumentum autem claudicat; nam hæres nec ex propria negligentia, nec ex tutoris culpa tenetur.

Qv. II. *An actio de tutelis &c. necessario debeat institui in loco, ubi tutor administravit?*

Laut. pag. 475. verb. instituitur necessario &c. AFFIRMAT Lauterbachius: sed demonstratum est *supra tit. de jud. q. 11.* id etiam in loco domicilii fieri posse. Equidem in *L. 2. in f. C. de ratioc.* dicitur, reum in loco gestionis respondere debere, sed eo non excluditur locus domicilii; actor enim regulariter in priori agit, & ejus favor est, sed ille suo commodo renunciare & forum domicilii sequi potest. Vid. *dist. q. 11.*

Qv. III. *An hæc actio sit personalis mixta?*

Laut. pag. 475. verb. mixta. AFFIRMATUR: mixta autem est ex pœna & rei persecutione. *L. 2. §. 2. h.*

OBJ. *L. 1. §. 23. h.* ubi dicitur *pœnalis.*

RESP. Est pœnalis, sed mixta cum rei persecutione.

LIB. XXVII. TIT. VIII.

DE

MAGISTRATIBVS CON- VENIENDIS.

Qv. I. *An magistratus saltem in subsidium conveniatur?*

Laut. pag. 477. verb. Datur in subsidium &c. AFFIRMATUR: Nam cum tutores gesserint, merito prius sunt excutiendi. *L. 5. h. L. 1. §. 15. de tut. & rat. distr.*

OBJ. *d. L. 1. §. 15.* ubi prius conveniuntur magistratus, & tunc demum tutores.

RESP. Loquitur expresse de contutoribus honorariis, qui debent suspectum facere suum contutorem; si enim id non fecerint, tunc conveniuntur quidem honorarii, sed non nisi excusso magistratu.

Qv.

